

ÓOT QUIH CONTÉETXIAT QUIH CUISCÁAO HAC

Jesús Morales

Tíx óahhiha

Contéetxiat quij háahhoo com iti tij to ccuúijiha. Óot ti moca mos háahhoo ti moca itao to cuóccaaha. Zíx quij cuífp cah hant ícquii xah itocta óoxah itái yoque:

—¿Hihamíigo áz iscasiíjinya hizáax cötíjaha? Hihamíigo ihpocáao xoque, óx itái yoque.



Óx tpactama contéetxiat quij óx téé yoque:

—Mmmm. He zíxo zo casíijing xahzáii hiz cohpyíij, óx téé yoque.

Óx tpactama óot quij óoxah itái yoque:

—¿Ázj iscáccatimaya? óx téé yoque.

Óx tpactama contéetxiat quij óx itái yoque:

—Cóozzaa hant íppoot cóii hízzaa toima he táax cquéoclihi hiz cohpmíij, óx téé yoque.

Óx tpactama óot quij óx téé yoque:

—¿Hihamíigo zó tóozza? Yázzaachimpóax he cuéesxö, óx téé yoque.

Óx teema contéetxiat quij óx téé yoque:

—Íhhaahi. ¿Taax zíixah zisahíi quéeya? ¿Taax zíix az hant isiip háaya? Táaxo cötquimöcö óx tcóozzaaha. Háahhoo chit hapx cap cóox cah ptíicx popaquin spáccootim ha teque hiz cuíhca, óx téé yoque contéetxiat quij.

Óx tpactama óot quij óx téé yoque:

—Óx popactatax ihpsójjooz háahi, óx tee tójjooz yoque.



Zíx cop aihacóxl iti hápx iqui tpánzx yoque. Háp x iqui tpánzx tóii intitama xajíi hantaxláa cáahca pac toc tahcama táax contita tóii intíttaa yoque contéetxiat quij. Óot quij hapi xah quíhho cah cuitáassiiitin yoque óot quij. Cuitáassiiitin tóii intíyya.

Taa cuíhhaa taax.